

Uunga siunnersuut: Ilisimatusarfik pillugu Inatsisartut inatsisaat nr. xx, xx. xxx 2018-imeersoq

(Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisoq)

Akissuteqaat**Aappassaaneerinnineq**

Naalakkersuisut Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliaq qutsavigaat peqqissaartumik suliaannik isumaliutissiissutaannillu.

Naalakkersuisut iluarisimaarlugu maluginiarpaat ataatsimiititaliap isumaqatigiittup siunnersuut tapersersora.

Ataatsimiititaliap isumaliutissiissummini Naalakkersuisut qinnuigai siunnersuutip pingajussaaneerneqarnissaanut siunnersuummi aalajangersakkanut ataasiakkaanut allannguutissanik siunnersuuteqaqqullugit. Ataatsimiititaliap aamma Naalakkersuisut akornanni pitsaasumik oqaloqatigiittoqartarsimavoq, aalajangersakkat pineqartut pillugit, siunnersuullu ataatsimut isigalugu, taakkualu Naalakkersuisut immikkut qujassutigiumavaat.

Naalakkersuisut ataatsimiititaliap kissaatigisaminut tunngavilersuutai tusaatissatut tiguai, siunnersuutillu pingajussaaneerneqarnissaanut atatillugu allannguutissanik siunnersuuteqalersaarlutik, ataatsimiititaliap allannguutissanut kissaataanik akuersaartunik.

Taamatut naatsunik oqaaseqarluta Naalakkersuisut inassutigissavaat siunnersuut pingajussaaneerneqarnissamut ingerlateqqinneqassasoq.